

《佛說阿彌陀經要解》 補充講表

◎附表十八：糅合《彌陀經要解講義》、《彌陀經要解親聞記》、《阿彌陀經要釋》
○此中顯微風樹網等音，及一切依正假實，當體即是阿彌陀佛三身、四德，毫無差別也。

※《成唯識論觀心法要》卷十云：「自性身（法身）如濕性，自受用身（報身）如水，他受用（報身）及變化身如波；自性身如月體，自受用身如圓滿白月，他受用及變化身如千江月影。觸波之時，全觸水濕；睹月影時，便睹光體。是故智者觀於土木等像，三身宛然，四德無減。以是如來大悲大智，徧入眾生心想，仗因托緣，而顯現故。因緣所生，即空假中，無有微塵許法出於法界外故，皆非徧計所行境故，如彼愚小，計繩為蛇，而繩未嘗不即麻故。」

○佛心生心，互為影質。如眾燈明，各遍似一。全理成事，全事即理。全性起修，全修在性。

※《占察善惡業報經義疏》云：「以一切眾生心，一切聲聞、辟支佛心，一切菩薩心，一

切諸佛心，皆同不生不滅，無染無淨，真如相故。」

※《占察善惡業報經義疏》云：「若約諸佛，則餘九界，皆是佛心中之九界，九界無非佛

心所具；若約地獄，則餘九界，亦皆地獄心中九界，九界無非地獄心中所具。中間八界，並可例知。譬如一室而有十燈，隨一燈光，必能遍攝餘九燈光，同為一光，互在互融也。」

○全性起修，全修在性。（即是心作佛，是心是佛之意。）（糝合懺雲老和尚佛七開示）

※《蓮音》·佛七開示第一期云：「念佛的人，怎麼禪淨雙修呢？就是在本來無一物處，

舉心念佛，竭誠盡敬念佛；在不思善、不思惡的時候，舉心念佛，也是竭誠盡敬，妙妙妙妙！在過去心不可得、現在心不可得、未來心不可得，三心了不可得處，舉心念佛，這是禪淨雙修。」

※《徹悟禪師語錄》云：「從本源性，流出種種般若淨土法門；而種種般若淨土法門，

皆悉指歸本源心性。所謂無不從此法界流，無不還歸此法界也。」

※《阿彌陀經疏鈔》云：「世出世間，無一法出於心外，淨土所有依報正報，一一皆是本

覺妙明。譬之瓶環釵釧，器器唯金；溪澗江河，流流入海，無

不從此法界流，無不還歸此法界也。」

○奈何離此淨土，別譚唯心淨土，甘墮鼠即鳥空之誚也哉。

※斥嘆執理廢事之失，故曰奈何。世人不了即事之理，即土之心。離此不思議淨土，別執

緣塵影事之妄想，以為真心。別譚唯心淨土，自性彌陀，甘心墮於鼠即鳥空之誚。

※鼠即：鼠鳴聲，喻談有，不知妙有之理者。鳥空：鳥鳴聲，喻談空，不達真空之理者。

○彌陀為法藏比丘，發四十八願，有光明恒照十方之願，今果成如願也。

*第十二願、光明無量 ※《佛說無量壽經》云：「設我得佛，光明有限量，下至不照百千

億那由他諸佛國者，不取正覺。」

*第三十三願、蒙光柔軟

※《佛說無量壽經》云：「設我得佛，十方無量不可思議諸佛世界眾生之類，蒙我光明觸

其身者，身心柔軟，超過天人。若不爾者，不取正覺。」

○然三身不一不異，為令眾生得四益故，作此分別耳。

※三身不一不異者：法身，以理為身。報身，以智為身。應身，以機緣為身，應機示現故。

如何可以說一！三身本來一體，如何可以說異！說一說異，皆為戲論。佛身不可思議，離諸戲論，故曰：不一不異。為令眾生，得四悉檀利益，故作三身光明分別耳。

○當知無障礙，約人民言。由眾生與佛緣深，故佛光到處，一切世間，無不圓見也。

※《佛說觀無量壽佛經》云：「諸佛如來，是法界身，入一切眾生心想中。是故汝等心想

佛時，是心即是三十二相，八十隨形好。是心作佛，是心是佛。諸佛正徧知海，從心想生。」

※《彌陀圓中鈔》云：「此則正言三身，皆須機感而見。機若熟時，不惟得見於應，亦得

見於法身、報身也。」

※問：佛光既照十方，何以念佛之人，許多不見佛光？ 答：正因念佛功淺，宿世障深，

故不能見。不可因不見佛光，遂疑佛光不能照十方國。譬如日光普照，生盲不見，豈可謂日無光耶！倘能一心念佛，念念無間，現前當來，必定見佛，何況佛光！

○心性寂而常照，故為光明。今徹證心性無量之體，故光明無量也。

※初二句，明所證理體。心者，乃不變隨緣之聖智。性者，為隨緣不變之覺體。彌陀以自覺聖智徹證心性橫遍十方之無量體，故寂而常照，光明無量，不變而常隨緣也。所謂能隨染淨緣，具造十法界，故為光明也。亦即所謂以一心三觀，究竟證一心三智。將本有心性無量智德之體圓顯，故光明無量也。寂：如如不動真如本性之體。照：依體起用。

○又舍利弗，彼佛壽命，及其人民，無量無邊阿僧祇劫，故名阿彌陀。以下為《無量壽經》

一、約佛壽命 ※佛語阿難：又無量壽佛，壽命長久，不可稱計，汝寧知乎？假使十方世界無量眾生皆得人身，悉令成就聲聞、緣覺，都共集會禪思一心，竭其智力，於百千萬劫悉共推算，計其壽命長遠之數，不能窮盡，知其限極。

二、約眾生壽命

※聲聞菩薩，天人之眾，壽命長短，亦復如是，非算數譬喻所能知也。

○心性照而常寂，故為壽命。今徹證心性無量之體，故壽命無量也。

※初二句，明所證隨緣不變之體，雖非寂非照，而復照而恒寂。今彌陀證此心性無量之體，圓顯三德實相，故名無量壽。然上言無量光，從智德究竟邊。以一心三觀，證一心三智，菩提成就也。今言無量壽，從斷德究竟邊。以一心三止，證一心三解脫，涅槃成就也。

○法身壽命，無始無終。報身壽命，有始無終。此亦佛佛道同，皆可名無量壽。

法身清淨，猶若虛空，既無形相，安有始終。

報身：約從迷至悟，故有始無終。從本覺發始覺，為有始。既證法性，不復再迷，故無終。所謂報身修成，智德圓滿，斷德究竟。

*第十三願、壽命無量 ※《無量壽經》云：

設我得佛，壽命有限量，下至百千億那由他劫者，不取正覺。